



服部文庫  
イ 17  
2096  
3



117  
2096  
3

臨海集卷之五



攝津服元雄仲英 著

東都井周愛士春輯校

五言絕句

春別曲

落日湘江碧，歸鴻入遠天。芳洲君不見，春草自年年。

春夜江上送客

千里有流水，扁舟遠送君。曉來花月色，散作五湖雲。

邊將

絕漠漢軍孤，風沙瀚海隅。橫行將報國，誓不避驕胡。

柳花詞

君歸知幾時，相憶倚紅閣。陌上春風起，柳花空自落。

山下泉

十里傳清響，寒泉遠出山。空留幽磴色，流自到人間。

秋風引送別

纔向路歧生，垂楊已失翠。晚來蕭颯色，忽逐離人至。

林臥

醉臥長松下，石牀幽夢深。林中客不至，空翠晝陰陰。

梅雨

積雨苦鼻濕，戶庭送行潦。農事不誤期，山田已種稻。

雪中臥病荅華玉二首

夜雪照窻中，愁眠不可起。君能知我心，病裡唯如此。招隱故人心，吟來興何極。相思不相見，唯見凝華色。

東澤八絕

東澤不知處，緣溪仄徑分。前峰忽一轉，時有鷄狗聞。日夕起人烟，三戶白雲邊。神仙此可接，處處有丹泉。山中徂暑時，高枕天籟起。深林遶白日，空翠冷於水。樓上青山起，樓下溫泉迸。浴罷對青山，悠然心不競。夜雨何處來，蕭蕭滿四壁。起看山月高，始識溪聲激。隣舍僧寓居，碁局好相戲。來往歡十日，未敢通姓字。

東峰千仞秀，上有梵王閣。我欲振衣去，秋風生萬壑。朝辭玉笥山，昨遊已回首。歸興心彷彿，唯疑出洞口。

落花歎

落花君不見，片片空山裡。自從辭故條，飄零偏相似。

大堤曲二首

美人春夢短，画閣夕陽低。歡去知何處，花飛落大堤。堤上楊柳烟，堤下桃花水。少婦倚樓坐，春色映羅綺。

宮中立秋

梧桐玉階下，一夜西風吹。上苑秋何處，美人心自知。

過酒家

少婦琴瑟傍，且愛十千酒。金鞍白鼻騮，堪繫壚上柳。

寒鴈

孤鴈寒江曲，哀鳴徹永夜。思群飛不定，復逐風雪下。

山中四時詞

四壁薜蘿長，春衣裁且著。山花人不知，隨意紛紛落。

右春

鳴琴丘壑中，餘響入流水。更望夏雲生，竒峰各自起。

右夏

童子拾山菓，隔溪行且歌。深林搖落盡，夜夜月明多。

右秋

遇雪前峰歸歸來日將暝吾廬誰復尋早已没三徑

右冬

金井侯聽潮館後園七題

竹裡不知處清陰路轉迷簫聲隔綠葉中有鳳凰棲

右鳳棲館

亭上人對酒亭下魚在藻竟日兩相忘此樂真難道

右觀魚亭

秋浦一蕭索楓葉下水濱借問行吟者應是我輩人

右楓浦

二月春風時青青楊柳樹夕陽塘上落不見行人度

右柳塘

神山隔水起咫尺望蓬瀛我欲褰裳去彩雲時自生

右小蓬萊

昨夜風濤惡今宵一何穩灣中光可掬東溟月不遠

右海月灣

漭沆深淵色唯見千尋水雷雨時一過忽爾波瀾起

右龍淵

曉鶯

纔上花枝嘯花枝露未晞將驚美人夢更向画樓飛

新嫁娘

夙先夫婚起歛髮暗含羞未慣新婦事都就阿姆謀  
山驛曉發

旅食鷄聲促前峰入客程回看昨宿處咫尺白雲生  
舊宮人

宮衣時或著宮粧猶自作每逢舊女伴只說宮中樂  
雨中春

細雨春光靜園亭晝掩扉殘花不駐色坐覺賞心違  
夏夜宿僧院

夜投禪寂地竹裡一燈深暗水鳴空閣清涼只此心  
獨釣寒江雪

曲浦凍雲低渺漫漁艇小寒光洲渚遍難認忘機鳥

孤鴛鴦

踟躕含別怨尚守前池水憶昨夕陽中雙雙相顧起

佐倉侯觀瀾苑八題

水光千萬里風至忽成瀾能自容江海更臨亭上看

右觀瀾亭

夏木千章邑陰陰最高頂日午試登臨空翠撲人冷

右空翠阜

白鳥日遵渚迴翔不避人會心寧在遠機息此相親

右海鷗渚

吳姬且休妒阿娜滿池花能奪朝霞色紅顏獨自誇

右朱華沼

澗道行將斷橋成勢不危誰能此取履更與異人期

右曲圯

秋光白露中日涉黃花圃非是柴桑宅還能成此趣

右菊圃

古溪回且通不見漁舟上控得滄洲色江湖自來往

右引湖溪

孤館倚長松濤聲風裡壯朝回拄笏聞卻似山中相

右倚松館

画竹

愛此猗猗色非依淇澳長清風坐上來葉葉時將響

步虛詞

縹緲清虛府且遊明月夜霓裳曲未終復御天風下

別意

落日沒河梁不見行旅者嘶聲隔岸聞定知是班馬

艷曲

冶態纔能解笑語暗含春自非爺孃側徘徊不近人

流鶯曲

御苑知何處隔花聲自迷昭陽絲管罷近傍玉階啼

擁爐

風雪晚霏霏蓬蒿客自稀壯心灰不盡餘燼獨相依

齋頭芭蕉

蕭蕭檐雨滴葉響曉纔歇昨有客題詩依然墨痕滑

小苑餘雪

窻前一片雪猶壓綠苔春似避斜陽照過牆到北隣

雨竹圖

湘娥淚不盡暮雨秋蕭索何處駐啼痕千竿齊自著

題画

危橋橫絕澗疊嶂雪千尺不必命扁舟寧無乘興客

躑躅埒 高陽節五  
詠之一

停鞭時躑躅躑躅花方媚宛馬汗成色非關杜鵑淚

玉井 學圃堂六  
詠之一

圓渟玉潤深百尺誰為深定有神龍吐汲來長不竭

五雲路 綠山十一  
勝之一

拂雲松柏樹高擁登仙路氣色信佳哉千秋靈蹕駐

落葉

葉葉紛爭下山園積幾重總令三徑斷何處駐人蹤

野鷺

十里水為田水田望漠哉三三復兩兩白鷺碧天來



三戶村

竹間知有隣，斜繞桑麻路。應是經過密，烟通朝復暮。

秋夕將雨

風燈光不定，山館颯秋色。已有傾盆勢，陰雲壓窻黑。

七言絕句

海門送別

朝看仙客向瀛洲，萬里滄波不可留。東望布帆天際去，海門秋色使人愁。

早下刀彌河到鹿洲

扁舟朝下鹿洲東，千里江流接碧空。玉樹玲瓏連岸

彌

出彩雲深處是仙宮

送曇龍師歸肥後

九國蒼茫紫海天，浮杯何處入風烟。故山疑在西乾外，萬仞阿蘇落日邊。

早秋有感

牀前一夜露華垂，客館秋來獨自知。遙想故山風樹色，蕭蕭早已不勝悲。

贈桃花園主人

東郊雨歇草萋萋，聞道春醪出郭携。非是桃花園裡色，風光何處武陵溪。

聞愿卿訃悵然有作二首

天涯霜雪照吳鉤，匣裡重期上國遊。  
那意贈君他日淚，悲風吹盡白楊秋。  
武陵春色夢中寒，落日人間淚不乾。  
一自紅顏仙去後，桃花流水好誰看。

中秋奉贈彫龍公子

武昌秋色滿高臺，倚檻西風鴻雁來。  
公子良宵興不淺，月中應醉夜光杯。

望總海

茫茫總海秋風吹，落日登高有所思。  
帝子空餘東望恨，至今烟水使人悲。

唐

恨至今烟水使人悲

明妃曲

盧騎氈車出帝鄉，娥眉何處向沙場。  
含情還望天山月，曾照官中秋夜長。

青樓曲

青樓十五堪傾城，鏡裡春風粧已成。  
顧盼相憐楊柳陌，也隨阿姊作逢迎。

青樓怨

陌頭春送落花風，坐倚粧樓思不窮。  
蕩子真成自有婦，人傳家在五陵東。

秋宮詞

御苑清霜宮樹新，玉階歌舞夜相親。  
明朝擬幸昭陽殿，輦路秋風自掃塵。

征婦詞

塞外音書寄北風，砧聲秋冷夜無窮。  
同從驃騎人多少，謾道阿郎能破戎。

立秋贈人

玉樹新秋白露寒，空階風色夜將闌。  
漢宮紈扇君休掩，相憶好懸明月看。

雪中友人至

雨雪蕭條臥病深，故人清興滿山陰。  
相邀把酒牀頭起，醉後同論招隱心。

客中九日二首

旅館清秋楚水濱，黃花開處客愁新。  
登高自有山河異，腸斷天涯萬里人。  
客裡悲秋已幾回，故園誰醉菊花杯。  
不關遊子逢搖落，人道龍山佳節來。

聞雁

西風吹起洞庭波，一片哀鴻日暮過。  
坐覺聲聲生白髮，三秋客思不勝多。

送人歸隱湖南一首

大湖烟水帝城東，客有將乘萬里風。  
夜弄琵琶何處是，扁舟直向妙音宮。

一片征帆碧水間，湖天何處向鄉關。  
到時應識紅顏老，暮景秋寒石鏡山。

秋後登少林院後山

鷲峰霜滿冷天風，林壑蕭蕭繞梵宮。  
更見丹楓搖落盡，即知秋色已成空。

秋後集某氏別莊得看字

蕭蕭雨色傍杯盤，秋盡名園楓樹丹。  
不是主人能愛

客相携，那得醉中看。

山居秋盡

蕭蕭木葉下空林，秋盡山中霜露深。  
日暮前溪何所見，樵夫歸去白雲陰。

春夜聞笛

春宵月出掛城頭，玉笛臨風滿画樓。  
忽見河橋楊柳色，曲中偏自入離愁。

送古璞師歸加州大乘寺，余時闕面別一首

高僧朝發白雲衢，千里河山錫影孤。  
但爲人天元自

別無緣携手共踟躕

金獅山上舊精廬歸到禪心夜月虛應有塔標南雁  
度秋來好寄數行書

遊仙曲贈友人

昨夜仙桃花正開洞房春色滿天白但緣君在人間  
住故使劉郎去復回

梅花落贈人

梅花如雪已紛紛愁裡逢春轉憶君不有一枝相贈  
到空吹玉笛月中聞

題王母圖壽河子昌母太人六十初度

新捧蟠桃掌上看玉壺元自有神丹相携顧盼羣仙  
女更向瑤池好罄歡

送惠頓上人陪版輿歸攝西

摩耶山上白雲飛千里鄉關接帝畿但道北堂恩可  
報相從遙轉法輪歸

送了智鏡山二上人歸上州省視光源老

師

欲歸香界奉金仙忽見雙珠光映天別後遙懸持贈  
色名山應入白雲篇

送人歸鹿洲

春風掛席大江分海上，仙山入彩雲到日洲邊芳草  
遍應從白鹿此同羣。

春雨中探韻得愁字

蕭蕭風雨傍登樓，滿苑飛花促暮愁。明日縱逢晴景  
好，那堪携手作春遊。

春日登金龍山

清江春水送斜曛，登望金龍倚彩雲。多少翠樓烟樹  
外，楊花如雪大堤分。

花亭新晴

捲簾亭上散春陰，客到傳觴白日深。仍舊滿園花樹

色無爲昨雨謾傷心。

春盡觀魚亭分韻十五刪

名園春盡落花閑，新樹陰陰水繞山。誰識我曹相樂  
處，濠梁近對酒杯間。

離宮怨

啼鶯二月長門東，御柳如烟花復紅。鳳輦不知何處  
駐，春光三十六離宮。

約遊妙解院諸子先集芙蓉館雨不果同

賦簡大川尊者得八庚

虎溪風雨絕逢迎，謾憶登廬晚未晴。此日陶家唯漉

藍

酒藍輿未肯命門生

雪遡大江

漫漫朔雪大江流江上寒雲暮色愁縹緲  
遡遊乘興去不知何處繫扁舟

奉寄懷日出侯二首

西藩歸到画熊車賓客追隨競曳裾  
早晚遊梁重投簡應憐四壁病相如

紫海秋光望欲迷月明千里夜淒淒  
趨陪誰共扁舟興苦憶風流謝鎮西

早春大禮臥病承華斷酒賦贈二子

黃鳥纔嬌細草芳謝家春興滿池塘  
嚶鳴不有羊何和空把新醪獨自嘗

春日奉問金井侯臥病

病裡春光瀨倚欄客來強自對杯盤  
方期一為吾曹起更向東山携妓看

步虛詞

紫府樓臺雲路遙月明何處夜吹簫  
不知縹緲誰乘鶴莫是仙人王子喬

楊柳橋送人

青青楊柳画橋頭何用攀來縮別愁  
嫩色好添春水

碧遠隨江岸送歸舟

送申少八歸美濃神谷庄八後中東作

故山西望彩雲浮下有井泉日夜流歸到應逢家釀  
熟送君遙想美濃州

首夏飲田間

郊天麥秀送南風綠樹成陰村徑通我亦耦耕將避  
世相從把酒問田翁

流螢篇

空階白露亂秋叢夜冷疎螢影自通耿耿星河流不  
盡更令愁思滿西宮

秋日集聽潮館奉寄懷巖邑侯得依字

秋風天外雁長飛滿坐停杯望落暉此日鳴琴多暇  
興應令山水自相依

九日江生惠菊酒

風雨衡門絕送迎一樽秋色故人情贈來恰好逢佳  
節使我堪稱漉酒生

對酒有懷友人

把酒高樓醉色寒孤鴻何處度江干十年交態空回  
首總入揚州夢裡看

聞人遣妓戲贈



桃李空辭掌上春，風光今日逐行塵。  
誰家鎖卻紅樓夢，猶自依依舊主人。

三日霞關雨集得鄉字

千門風雨鳳城傍，邀客佳辰入醉鄉。  
坐見春光半將盡，桃花歷亂逐流觴。

秋夜石冢氏村莊聽雨得蒸韻

蕭蕭秋雨夜相仍，落木村園響不勝。  
高館坐來聽自好，傳杯挑盡五更燈。

姬人怨服散二首

金閨孤月不勝秋，顧影嫦娥夜自愁。  
彷彿廣寒宮裡

住，謾期夫婿此相求。

樓居百尺隔人間，五夜吹簫誰得攀。  
不比秦臺雙鳳止，無爲獨自保紅顏。

梅花落送別

春風吹送一扁舟，無那年光促別愁。  
何處笛聲人不見，梅花如雪滿江頭。

春雪集悟賞館

玉樹階庭對酒分，謝家高宴雪紛紛。  
共憐柳絮因風起，莫道春寒花未芬。

分賦東都四時樂得夏

明月清風墨水流，絃歌夜滿木蘭舟。  
繁華且有江湖樂，歷殺當年河朔遊。

田家春詞

社樹春風白日長，村醪熟處此相將。  
家家且作蠶絲計，更課妻兒擬採桑。

田家秋詞

五畝田廬秋興多，人烟橘柚接前坡。  
請看豐稔嘉禾頌，已入村童牛背歌。

送人歸赤石

故園何處播州西，海驛悠悠送馬蹄。  
到日城頭回首

望孤帆遠影霧中迷

秋夜山寺對月

雙峰秋滿白雲端，夜上琳宮月影寒。  
看取老僧心地淨，珠衣露濕倚欄干。

瑤瑟怨

沅湘千里水空流，北渚遙懸鴻雁秋。  
江上數峰如黛色，美人無盡別離愁。

金川舟發

海門南拆曙光空，一片征帆杳靄中。  
日出長風生萬里，直乘汗漫到湘東。

拆

塞下曲

長城萬里塞雲間，鼓角天邊鳴不絕。  
射獵秋驕白馬，將揚鞭直向陰山北。

春寒花未開

風光滿眼未知新，何處鶯花媚早春。  
唯有謝家池上夢，已隨青草入芳辰。

遣病妓

一枝花瘦倚春陰，猶自含嬌別怨深。  
燕子樓前回翼起，画梁無恙舊時心。

春寒花較遲

籬落烟沈雪未殘，蕭條空入舊年看。  
幾時芳樹花經眼，猶自春風送暮寒。

春日行

春風滿路草萋萋，十里烟霞望自迷。  
且見王孫行樂好，楊花深處紫騮嘶。

得某山人書

幾歲山中臥草廬，舊歡猶寄一封書。  
不題名字開緘處，無恙華陽陶隱居。

宿山中值雨不得歸

疎燈幽夜薜蘿陰，山雨蕭蕭客睡深。  
報道明朝好畱

住溪流一帶絕歸心

鷄鳴曲

鷄鳴画閣敞晨光早起爭凝紅粉粧粧就出遊諸姊妹陌頭羅列好成行

聞隣家吹笙

玉笙吹起苑牆頭響遏流雲近自浮半夜開窗人不見曲終空掛月明秋

冬初逍遙園集得看字

丹楓霜後半將殘盛宴休言醉色寒那意逍遙容我輩侯園今日把杯看

題白鶴圖爲金井侯豹隱公子奉壽其太

夫人六十初度

報道仙禽自九臯階庭玉樹映霜毛笙歌長擬瑤池宴別有雲霄清唳高

冬月圓

深宮玉漏不成眠簾外風霜夜若年恨殺團團寒月影空開明鏡爲誰懸

雪夜望漁火

大江風雪夜霏霏望暗寒潮激釣磯莫是漁翁依岸宿篝燈一點照波微

野雪

朔雲千里暮天低，雨雪蕭條大野西。  
滿眼寒光失前路，不知何日草萋萋。

雪後聽潮館逢立春得香字

潮聲近繞酒杯，傍海閣玲瓏白雪。  
光後苑欺花盈尺，色誤疑春至忽生香。

海日坐殘夜

積水遙空入渺漫，扶桑何處曉雲端。  
天鷄唱罷初陽上，日觀峰頭回首看。

春遊曲贈公明

生

城南城北彩霞浮，幾處烟花入冶遊。  
為道青春君自好，相携將醉鳳凰樓。

三月四日臥遊亭集得東韻

休言佳節已成空，猶自桃花映酒紅。  
何用名山耽遠興，春光長傍臥遊中。

宇和島侯席上賦暮春送別分韻尤字侯

時將歸藩

驛樹郊關落日浮，楊花春盡送驂騑。  
錦帆且發華城處，萬里長風到豫州。

荅管少卿見贈二首

落花啼鳥靜，二春窮巷還。憐似避塵都，邑繁華無意。  
競請君看取，草堂貧。  
十年流落髮生華，謾許龍門且可誇。元自倦遊千里，  
客不知何處問通家。

桃花曲贈人

桃花千樹映仙山，絕境春光難可攀。溪上落英君莫  
惜，好憑流水寄人間。

瑤池曲

絲管仙遊各自誇，樓臺五色倚雲霞。龍車且駐周天  
子，一任人間歸路遐。

烏夜啼

烏啼永夜傍城頭，散入西風萬樹秋。三匝數聲飛未  
定，長安幾處不勝愁。

梅雨中客至

閑窻日永雨霏霏，轉覺蓬蒿與世違。但有黃梅看自  
落，那期青眼此相依。

古別離

邊烽昨夜報防秋，十萬天兵發帝州。少婦不知征戰  
事，臨門猶自問刀頭。

七夕同集鵲巢亭公明不至賦贈

新秋風色滿林扃，相憶傳杯各自停。此夜神仙堪駕鶴，應無意到鵲巢亭。

海上釣歸贈仲明

一竿漁父楚江濤，回棹滄浪落日深。依舊白鷗湖海侶，歸家持贈息機心。

某使君得一歌鬟云至自京師

掌上花開映席新，使君一笑不勝春。絃歌且異尋常調，莫是平陽主第人。

雪漁禪師爲青松寺上座作此爲贈

一片禪心水月寒，精廬境靜倚林巒。自應龍象擎趺

坐，更向青松樹下看。

宮女對碁圖

宴罷後宮清晝靜，相携碁局鬪雙娥。徘徊若遣君王見，莫擬仙家歲月多。

青樓雪

章臺夜色雪生光，積素爭爇紅粉粧。似解佳人能勸酒，翩翩偏繞舞筵長。

雨雪曲

胡雲朔氣暗長城，烽火烟沈斷鼓聲。借問沙場風雪裡，征人何處夜移營。

寒夜聞雁

永夜風霜楚水寒，征鴻聲苦向前灘。應憐千里無衣客，似報鄉書寄不難。

冬初樂山公子裒露園賞菊有詩見示席

上奉和

十月風霜籬菊秋，猶留佳色映杯浮。那知樓隱柴桑趣，更入西園飛蓋遊。

江上送客賦得梅花落

歸舟解纜大江東，隔岸梅花落日空。暮笛數聲吹不盡，離愁千里入春風。

征婦詞

空閨愁思夜難裁，塞上秋光孤月來。不信沙場漢軍沒，征人無恙夢中回。

夢登富嶽有詩覺後記之

雙雙仙掌奈難登，攀去高含六月冰。欲向峰頭拾玉蘂，彩雲無盡滿峻嶒。

花下別得霞字

啼鶯滿樹送晴霞，別酒相携醉歲華。借問將歸千里客，春風何似故園花。

少陵醉歸圖



誰家春酒解愁顏，潦倒猶能信馬還。  
醉裡何傷拂衣晚，滄洲近在曲江間。

遊金地院席上奉和滄溟尊者見示之作

毫光咫尺倚香臺，妙偈何思向我裁。  
看取布金清淨地，白雲明月入西來。

六月晦日遊少林院雷雨驟起晚涼可入

得坐字

蒲院清涼九夏空，西天明日望流火。  
奔雷將雨驅炎熱，先見秋光繞趺坐。

七夕悟賞館值雨得聽字

雨聲蕭颯繞園庭，坐客乘涼醉裡聽。  
此夜千門空乞巧，浮雲何處望雙星。

早涼

雨後前山爽氣長，園林薄暮樹蒼蒼。  
偏憐暑色看消盡，綴出秋叢白露光。

須磨夜泊

孤舟夢斷海門關，明月秋懸烟水間。  
憶昔桓郎吹玉笛，幾人垂淚問刀環。

暮秋赤羽送別

風霜前路一凄其，幾處秋光不可悲。  
赤羽橋邊數株

柳明年春色與誰期

冬初圓巖海心二師歸北越賦此爲別

故山千里朔雲陰錫影雙懸不住心但道苦辛同此  
意從他前路雪霜深

雪後過僧院

虎溪路斷雪晴初轉覺人蹤此地疎愛見祇園珠樹  
色玲瓏終日照空居

宗僊君有詩見贈余久不報戲作此謝

自笑貧家酒債多蕭條終奈此生何且緣才似囊錢  
乏歲暮難酬白雪歌

春夜望月

百花深處月團團香霧朦朧隔廣寒應有美人眠不  
得春愁獨倚翠帷看

采女怨

大液波光落日中那知紅粉忽成空鸞輿駐處春如  
夢更使君王恨不窮

画松

一齧風霜百尺寒高標駐色入毫端忽疑滿壁驚濤  
起堪作華陽洞裡看

五日鸞嘯閣雨集奉峇松山世子席上見

贈

梅霖蒲酒倚蘭臺且見翩翩公子來此日雄風堪作賦趨陪慚乏楚人才

送安達道士六首 并序

今茲秋八月 三山檢校聖護法王將天下黃冠之徒歷吊役真人遺蹤有事和紀二州諸名山實爲道家殷典我安達道士亦從焉縹緲行色紫氣西度白雲生歧余裁六絕度以雲韶之音歌之作別曲未終忽騰大虛舉手辭去

鶴駕朝天絳節開更辭閭闔且徘徊一時羽客如雲

集應待安期東海來

紫府真人上葛城懸崖路斷繞崢嶸山祇奉引行無駐一夜長橋驅石成

五岳真形掛杖頭巉巖攀盡太峰秋此中三百八十

洞借問神仙何處留 太峰有三百八十洞神仙窟爲第一

連空翠壁路難分鬼谷陰陰鬼作羣爲是法王勞祀事相從護送萬山雲

天南地盡出三山此處諸仙採藥還爲問秦皇千古事應逢徐福彩雲間

憶昔鸞輿巡幸年瑤妃祠上對風烟登山望海明光

浦探得驪珠屬謫仙

元正帝幸紀之和歌浦更名明光  
詔曰登山望海此際最佳云云

江南曲

蕩子春來不憶家  
三春春思滿天涯  
江南已見楊花落  
江北還開桃李花

西莊小集醉後題壁得鐘字

寧辭酣飲盡千鍾  
把臂林亭到暮鐘  
一任人稱替阮  
侶百年天地醉從容

同前和藤子宥韻

懶將簪紱混塵喧  
醉裡行藏君莫論  
但道天真因酒  
得悠然暫此涉山園

同前和街稷卿韻

四壁蕭條對翠微  
醉來何用羨輕肥  
幽居放飲吾曹  
足不向人間問是非

紅葉怨

御苑風霜定奈何  
捲簾搖落不勝多  
欲將秋思題紅  
葉或恐輕寒透綺羅

秋夜長

空閨耿耿思難禁  
轉覺天涯霜露深  
征婦五更眠不  
得秋風偏自促寒砧

至日送別得覃韻

渭城歌罷送征驂，雨雪天晴別酒酣。日影還添長路恨，白雲千里望江南。

冬日逍遙樓集席上同賦瓶梅卒爲主人

翁七十壽詞得刪韻

握手逍遙杯酒間，醉疑姑射此相攀。一枝瓶裡凌冰雪，綽約長開仙子顏。

題神植卿太翁畫淵明把菊圖爲贈翁今

茲七十致仕云

晉時秋色滿籬花，素練收來駐歲華。正好風塵折腰罷，南山長自屬陶家。

歲杪鸞嘯閣宴集是日逢立春得侵韻

共攀高閣酒杯深，咫尺還聞鸞鳳音。直置彩毫花滿坐，春風忽已入窮陰。

人日悟賞館宴集得時字

風光纔及綵花時，坐客同傾金屈卮。不是侯家開盛宴，或應人日負佳期。

春經管廟

空山岑寂舊祠壇，數樹梅花香自寒。猶駐謫居詞賦色，春風長入楚臣看。

送藤必大遊駿州

征鞍侵曉度，函關旅服春。成遊子，顏大麓，不迷風雨色。遙知客跡傍名山。

平巖翁宅春集次主人席上韻

滿苑鶯花舊，不貧香醪閑。賞雨中，春相携，酪酊堪開口。一笑何曾負主人。

灌佛日贈曇龍師

蓮華淨社毗尼園，且見玲瓏玉樹繁。七步唯能成妙偈，莫辭斯道獨稱尊。

夏日山房新晴

長夏空山靜，鶻冠雨餘巖溜響。偏寒千峰積翠流，雲

散偶坐開窗取次看

伏日豹隱公子四十初度時移深川邸有

此贈

新開水樹入初筵，河朔風流公子賢。此日奉觴門下士，追隨齊作酒中仙。

楚宮詞

蘭臺歌舞日翩翩，羅綺如花春可憐。莫是朝雲來入夢，君王晝掩玉簾眠。

夏日委蛇居集分韻侵字

樽前下榻倚庭陰，且避炎塵白日深。不但委蛇君自

好朝回會客共論心

歲杪松蓮社集滕子宥病而不至有詩卻

寄

廬山歲暮此相過舊社交遊青眼多佳句更傳玄默  
趣不知誰問病維摩

春懷舊遊

短髮春風獨自憐鶯花空媚酒杯前不知行樂今誰  
好愁殺交遊異昔年

靈瑞上人講法余得與聞有此贈

迷徒何處向空門一盞燈光道自存說著玄言言不

盡此言誰識是玄言

春日旅情

春風千里傍征衣望斷江湖雁自歸見說他鄉楊柳  
色更令遊子思依依

西莊春集京極君携酒分韻青字

晴烟一路到郊坰地僻春光花滿庭幸有風流能載  
酒傳杯同倚草玄亭

志賀舊都擬忠度作

千年帝跡絕鳴鸞湖上春風碧水寒芳樹不知陵谷  
變花開猶入昔時看

玉函山道中望伊豆海擬鎌倉右府之作

玉函山上白雲愁海氣蒼茫，傍馬頭地盡東南千萬里。唯看孤島鼓波浮。

擬平忠度詠旅館花

關河行盡馬蹄塵，投宿偏憐一夜春。不問旅亭誰是主，滿園花似眼中人。

擬僧遍照觀五節妓

霓裳縹緲下清都，紫殿笙歌五節殊。舞罷欲留仙媛住，彩雲風亂鎖天衢。

夏日大村侯白金別業山經國携饌具為

邀賦謝分韻元字

行厨謝爾此開樽，一醉相携金谷園。遊眺坐疑棲隱地，千章夏木綠陰繁。

題扇面墨梅遙贈浪華管内卿太翁七十

壽辰

堪比神仙塵外姿，清高何物汚冰肌。一枝長保江南色，報道春風無盡時。

安清甫西歸便道過京師走筆為贈兼懷

烏石山人

山人寓京師七條圪橋

賦才纔試兩都間，傾蓋相看解客顏。圪上老人應待



爾不知何日受書還

衰露園菊宴余病不能應招奉贈樂山公

子

寒香入座泛流霞錦綺成叢公子家秋後自憐蒲柳  
色無緣對此傲霜花

冬嶺秀孤松

天邊朔氣滿層巒獨立亭亭倚歲寒無恙棟梁千丈  
勢不關蕭索九冬看

歲杪草堂小集稷卿玄齡携酒得九佳

一爐柴火倚寒齋雨雪霏霏赤水涯但醉休論歲云

暮謝君携得酒如淮

鳥散餘花落

參差桃李已成蹊正好風前求友啼似恨殘春看欲  
盡歸飛別擇一枝栖

春曉怨

春宮夢斷漏聲遙御苑蒼蒼暗柳條不解美人多少  
恨啼鶯曉隔玉簾嬌

折楊柳四時詞

陌上晴光楊柳新垂絲含色掛陽春輕風媚媚粧樓  
外少婦寧無憶遠人春

千條拂地翠齊舒，盛夏陰陰日色疎。河上午天風自度，轉令行客易躊躇。夏

露冷垂楊葉半空，摧殘獨映夕陽紅。社燕將歸難作別，雙雙枝上倚秋風。秋

枯楊蕭索大江干，別路征驂欲繫難。坐怪春風催落絮，天邊朔雪晚漫漫。冬

子規啼送村太初歸讚州

子規啼處別愁新，爾去歸家南海濱。一自鸞輿悲幸讚，此聲腸斷幾行人。

題海鶴圖奉贈悟賞侯北堂壽辰

一片滄洲画裡懸，庾家雙鶴此聯翩。飛來不為乘軒寵，欲飲瑤池永歲年。上

秦王卷衣曲

天門日出散晴暉，彩鳳雙雙勢欲飛。應有笑人承寵賜，至尊親命繡羅衣。

山寺立秋

白日空山靜，午雲禪關半掩。路纔分梵音斷處，秋風起忽入庭前。柏樹間

和君柔京公悼幼女之作

夜坐燈前更向誰，鍾情轉自入新詩。無端驚破維蛇

夢曉月淒風彼一時

觀屈翁蹈水圖翁時將歸海西有此贈

毫端畫出水仙才破浪乘風氣壯哉不憚海程千萬里飄飄直向故園回

蟋蟀吟

秋寒落木夜紛紛坐覺空庭霜露分蟋蟀聲聲苦將斷愁人牀下不堪聞

邂逅天龍翠巖尊者有詩和答

天龍今見降人間忽捧摩尼光照顏才拙此生徒落魄羞將縫掖老東關

參政邑美侯四十壽詞祠部金井侯德憑

賦此奉贈

五雲深處會羣仙縹緲笙歌北極邊此樂人間聞不惑餘音遙自碧霄傳

雪夜閨情

空閨燈影照窗青雨雪紛紛掩画屏遙識鐵衣寒苦切征人今夜奈邊庭

洞房花

桃源遮莫杳難尋一路春風芳樹陰画閣朱欄人不見隔花歌笑夕陽深

柴門柳

柳色陰陰三徑，春風終日斷紅塵。幽居種得誰爲主，莫是歸來解綬人。

題養老瀑布圖贈濃州申東作太翁八十

壽辰

懸流無盡下層穹，養老千年名不空。爲是汲來常奉飲，庭闈長駐醉顏紅。

耆山師惠菊花枕賦謝

楚客飡餘不委塵，收來投此懶眠人。春宵栩栩閑窻夢，飛到南陽溪水濱。

春望詞

前汀草色不勝春，一片歸鴻綠水濱。無那故園音信斷，天涯愁殺倚樓人。

田公岳充監巡之役之北陸道賦別二首

春風祇役向天涯，越徼關河客路遐。好借扶桑初日色，窮荒無處不看花。

都門行色競青春，北陸遙通窮海濱。諸道一時知幾使，山川有助更何人。

旅亭春望

江南江北未歸人，汀草汀花幾處春。極目驛樓心自

路海集 卷之五 三十三  
渺風光空逐馬蹄塵

岸花飛送客

大江春盡渺晴烟解纜空波落日懸無限別愁看不見風花如雪撲行舩

步虛詞

扶桑弱水路無窮海氣冥冥日月通唯有真人天際度飄然到處御長風

首夏奉送市橋侯歸湖南封邑

清和風色送驂騑客路西連淡海州到日上頭居自好應無讓倚岳陽樓

早夏聞鶯

陰陰新樹暗丘隅隔葉流鶯響自孤爲是詩腸堪鼓吹幽亭不覺歲華徂

水碓

一水回輪勢不難激來千碓響生寒潺湲日夜機無息借問何人抱甕看

冬至前一日有贈梅花者

一枝遙寄故人心暗覺寒香逼坐深報道明朝日南至先傳春信入窮陰

至日高陽館席上盆梅已開得虞韻

一樹花開倚坐隅，橫斜影落酒杯孤。  
初陽色動高陽會，愛見冰肌映玉壺。

雪中曉發

鷄聲何處雪漫漫，駐馬踟躕灞水干。  
驛樹曉迷行路望，寒光遙作月中看。

題女画史梨世作王母梅圖爲烏羽侯太

夫人六十壽詞

羅浮春色奪紅霞，戴勝名傳一樹花。  
綽約偏歸彤管妙，蟠桃應讓歲年遐。

田間茶讌

茅廬市遠靜踈籬，何用交歡倚酒池。  
抱甕丈人供給足，爐烟纔上夕陽遲。

瑤池曲

瑤臺百尺敞層霄，坐覺人間路自遙。  
仙侶共觴池上宴，當筵唱出白雲謠。

夏日懷仙樓集鮒迨壺山老侯得真韻

黃梅雨歇綠陰新，遮莫園庭與市隣。  
咫尺壺公天地別，仙遊共醉倚樓人。

吳宮怨

吳王跡古月輪孤，春殿笙歌夜有無。  
猶駐館娃宮裡

色野花空自滿姑蘇

池亭聞蛙

蛙聲迎雨聒涼宵擁水菰叢暗色遙兩部真堪供鼓  
吹孤亭休道倚蕭條

南中行

無邊瘴氣滿南荒海暗天低客路長斷髮驚看風俗  
異不知行盡到何鄉

湖上立秋

蒹葭深處夕陽懸湖北湖南澹水烟七十二峰秋已  
至西風吹滿打魚船

十四夜曇龍上人房得遊字

虎溪蕭寂白雲愁握手相憐蓮社遊遮莫月明輪未  
滿摩尼今夜照清秋

靈應尊者住巖月淨國寺今茲六十庭有  
雙垂絲櫻樹大數十圍因同諸子賦此以  
代壽詞爲贈

千年珠樹燦相依絳苑春光霞四圍應待法雲凝紫  
轉長懸瓔珞駐芳菲

初冬送安清甫歸廣陵

郊關霜落樹摧殘千里歸裝奈歲寒馬首明朝東海

道風濤已作故園看

淵明撫無絃琴

醉未成眠對客時宮商何用倚朱絲此中無盡悠然  
趣戶外南山志可知

故宮花

頽垣古道夕陽曛翠閣絃歌不可聞玉樹後庭花自  
發春風吹盡雪紛紛

春盡贈賣花人

九十春光多少花花開分得幾人家囊錢或恐隨芳  
歇濁酒明朝不可賒

雨中聞子規

旅亭蕭瑟瑟江濤密雨斜風傷客心直置天邊啼血  
恨數聲遙入暮雲深

夏五會仙樓集得飛字

高樓把酒倚斜暉宿雨新收梅子肥莫是招邀三島  
侶海天凌浪片帆飛

和柳伯盈新樹遮山之作

深林長夏鬱相看積翠陰陰白日寒但道三秋搖落  
後前峰依舊暮雲端

涼雨灑竹



千畝翠雲長夏靜何人把臂遊斯境輕雷驟雨聲蕭  
颯葉葉生秋晚色冷

源澄卿歸省洛陽賦別

負笈飄零客跡單歸歟行望白雲端丈夫列鼎非無  
日好奉高堂菽水歡

寒夜宿山驛

遠攀懸棧此投宿峽月三更霜滿屋耿耿寒燈夢不  
成唯聞虎嘯生空谷

臨海集卷之五

